

**ՉԱՐՉԱՐԱՆՔՆԵՐՈՒ ՄԷՋ
ՀԱԽԱՏՔԻ ԶՕՐՈՒԹԻՒՆ ԵՒ
ՀԱՄԲԵՐՈՒԹԻՒՆ ԽՆԴՐԵԼՈՒ ԱՂՕԹՔ**

Շնորհակալութի՛ւն քեզի, Տե՛ր, որ զիս՝ անարժանս արժանի ըրիր քու պարգեւիդ: Դուն՝ որ մարդուն մեղանշումէն ետքն ալ չլքեցիր զայն երբեք, այլ մեր փկարութիւնները դարմանելու համար՝ քու աստուածային գթութեամբդ երկիր ղրկեցիր քու սուրբ մարգարէներդ եւ սիրելիներդ, որոնք աշխարհի եւ հեթանոս ազգերու խաւարին մէջ լուսատուներ եղան, թէպէտեւ անմիտ ու անօրէն մարդոց կողմէ հալածուեցան: Իսկ որոշուած արեւին աշխարհ ղրկեցիր քու Միածին Որդիդ, Լոյսը՝ Լոյսէդ, Կեանքը՝ Կեանքէդ. եւ անիկա Սուրբ Կոյսէն մարմին եւ մեր նմանութիւնը առաւ իր վրայ, որպէսզի այդ նմանութեամբ մեզ վերստին իր աստուածութեան մօտեցնէ, ինք՝ որ մեզի պէս եղաւ: Կոյսէն ծնաւ մարմնով եւ մարդացաւ, մեզի պէս մարդ եղաւ, մնալով իր աստուածային փառքին մէջ. իր աստուածութեան մէջ փոփոխութիւն չմտաւ, այլ նոյնն է՝ ինչպէս որ էր եւ է եւ յաւիտեան կը մնայ Հօրը եւ Սուրբ Հոգիին հետ միասին: Բայց մարդիկը սիրելուն համար՝ մեզի պէս եղաւ, որպէսզի իր փրկութեան աստուածային գերազանց շնորհքին մասնակից դարձնէ մեզ, իր Հօրը կամքին համաձայն. եւ կատարեց Հօրդ կամքը, եկաւ եւ իր արիւնով մեզ գնեց մեղքերու ստրկական ծառայութենէն. որով մենք քու Որդիիդ արեան գինն ենք, անոր մարմինով եւ արիւնով ազատուած ու փրկուած:

Որդի՛ Աստուծոյ, այս նեղութեան ցաւերուն մէջ փոկալու պօրութիւն փուր եւ ողորմէ՛ ինձի, ինչպէս ողորմեցար խաչելութեան արեն քեզի խաչակից աւազակին: Շնորհք փուր ինձի՝ որ համբերեմ այս դառն փանջանքներուն, որպէսզի ե՛ս ալ արժանի ըլլամ պահելու մեր լուսաւոր հաւատքին աւանդութիւնը, որ ինձի փուր՝ որպէսզի ճանչնամ եւ կատարեմ քու կամքդ:

Արդ, Տե՛ր բարերար, դուն որ ըսիր՝ «*Ես միշտ ձեզի հետ պիտի ըլլամ, մինչեւ աշխարհի վախճանը*», մի՛ լքեր զիս, այլ զօրացո՛ւր քու կամքիդ մէջ, որպէսզի կարենանք այս պատերազմին փոկալ քու մեծ անունիդ համար. որպէսզի հաւաքքի մեր պարծանքը յայտնուի քու ծառաներուդ եւ քե՛զ ճանչնան իբրեւ Տէր եւ Աստուած:

Դուն, մարդասէ՛ր, քու արդարներուդ խումբին խառնէ մեզ եւ զօրութիւն փոխ՝ որ պատերազմինք եւ ի հարկին մեռնինք քու ճշմարտութեանդ եւ անունիդ համար, եւ դարձեալ փառքով նորոգուինք՝ երբ վերստին առաքես իւրաքանչիւրին հատուցումներուն բաշխիչը՝ մեր Տէր Յիսուս Քրիստոսը. որպէսզի զուարթ երեսով կանգնինք անոր դիմաց եւ յաղթանակի պսակը առնենք քեզ սիրողներուն հետ միասին:

Ամենակալ Տէր, դուն որ փառքով կը պսակես քեզի յուսացողները եւ կը կատարես քեզմէ վախճողներուն փափաքը, զիս արժանի ըրէ, Տե՛ր, որ քու վրադ իմ յոյսս պահեմ, եւ համբերութիւն փոխ որ իմ ընթացքս կատարեմ այս նեղութեամբ, որուն մէջ կը գտնուիմ: Դուն՝ որ մեր ցաւերը կը բժշկես, սրտաբեկները կ'առողջացնես, նեղեալները կը հանդարտեցնես, կապուածները կ'արձակես, սգաւորները կը մխիթարես, անյոյսներուն յոյս կու տաս, խռովածներուն՝ հանգիստ, եւ յոգնածները նաւահանգիստ կը հասցնես, դուն՝ որ սիրով կը նայիս քու արարածներուդ եւ քու քաղցութեամբդ կը կերակրես բոլորը, փո՛ւր ինձի, Տե՛ր, որ ե՛ս ալ պսակը առնեմ բոլոր անոնց հետ՝ որոնք արժանի ըրիր քու անունիդ համար մեռնելու փառաւոր մահուամբ. որպէսզի ե՛ս ալ արժանի ըլլամ յափշտակուելու քու սիրելի Որդիիդ դիմաւորութեան, երբ գայ իր ճառագայթող լոյսին մէջ առնելու սրտանց իրեն փափաքողները, եւ ճշմարտութեամբ դարելու ամբողջ փիւլերքը իր բարկութեան կրակով: Փա՛ռք քեզի, Որդիիդ եւ Սուրբ Հոգիիդ հետ միասին, յաւիտեանս յաւիտենից: Ամէն:

Ս. ԳՐԻԳՈՐ ԼՈՒՍԱՒՈՐԻԶ